

বাচ্ছাগিলদর জনো বাইবেল উপস্থিত

যীশুর জন্ম



কায় নেথিসে: Edward Hughes
ব্যখ্যা করিচে: M. Maillot

ভাষা পাটে দিসে: রমেস রায়
উদাহরন দিয়া বুঝাইসে: E. Frischbutter; Sarah S.

৬০টি গল্পগিলার মধ্যে ৩৬ টা

www.M1914.org

Bible for Children, PO Box 3, Winnipeg, MB R3C 2G1 Canada

অনুবোতি: এ গল্পটার একখান কপি তোরঠে রাখির পারিস বা
ছাপাকোরা পারিস, কিন্তু বেচেবার পারিস না।

রাজবংশি

Rajbanshi

বহুদিন আগোতে, ঈশ্বর উয়ার দুত
গাবরিযেলোক মরিয়ম নামক একটা
যীহুদি গাবুর চেংড়ীরঠে পেঠাইছে।



উয়াই উয়াক কইলেক, “তোর একটা
চেংরা ছাউয়া হবে আর উয়ার নাম
রাখিবু যীশু, উয়ায় সবাই সবচে
উপোরের বেটা কইবে আর ও
চিরদিন রাজ করিবে।”



মরিয়ম অবাধ হয়া পুছিলেক, “এইটা কেং করিয়া বাস্তব হইবে?” মোর তো এলাও বিয়া হয় নাই। স্বর্গদূত তাক কইলেক যে ছাওয়াটা পবিত্র আত্মা থাকি আসিবে আর তার মানষি বাপ হইবেনা।



3

ইয়ার পাছত খবরিয়াটা মরিয়মক কইলেক যে উয়ার মামির বেটি বইনি এলিজাবেত বুড়া বয়সত চেংরা ছাওয়া পাইবে। এইটা একটা মারাত্মক ব্যাপার। সেজন্য তারাতাড়ি মরিয়ম এলিজাবেতের সাথোত দেখা করিছে। উমরা দুইজনে ভগবানের গুনগান করিছে।



4

মরিয়ম সেলা যোসেপের সাথে বিয়ার পাকা-পাকি ভাবে আশূর্বাদ হইছে। যোসেপ খুবে দুঃখ পাইলেক যেলা উয়ায় জানিবার পাইলেক যে মরিয়ম গাভ-ভারী হইছে। উয়ায় মনে করিল যে মরিয়ম হয়তো অন্য মানষির নগদ আছে।



5

ভগবানের খবরিয়া স্বপ্নতে যোসেপ'ক দেখা দিয়া কইলেক যে ছাওয়াটা হইলেক ঈশ্বরের বেটা। এজন্য যোসেপ মরিয়মক বিয়া করির যেন হাতাস না খায়।



6

ঈশ্বরের উপরত নির্ভরশীল আর বাধ্য আছিলেক যোসেপ। দেশত যেইলা নিয়ম আছিলেক উয়ায় সেইলা মানিয়া যোসেপ আর মরিয়ম জন্মভিটা, বেতলেহেমোত জাওয়া নাগিলেক।



7

মরিয়মের এলা বাচ্চা দেওয়ার সময় হইছে। কিন্তু যোসেপ কুনোঠে একটা ঘর পায় নাই। তামান সরাইখানা আর হোটেল ভর্তি হইছে।



8

শেষ-মেষ যোসেপ একটা গোয়াল ঘর পাইলেক। ওইঠেকোনা
বাচ্ছাটা জন্মিলেক। বাচ্ছটার মাও, মরিয়ম, গোয়ালি'ঘরত

গরুর টোপাত খেড়
দিয়া বাচ্ছা ছাওয়া
যীশুকে শুতিয়া
থুইসে।



9

রাখুলিয়ারা নিন গেইছে ভেড়ার পালের পহরা দিবার
নাগিসিলেক। ওঠেকোনা ভগবানের খবরিয়া
উমারঠে গেলেক আর এই বড্ড খবরটাও
দিলেক।



10

“এই দায়ুত নগরত আজি খ্রীষ্ট যীশু জন্মিলেক।
তোমরালা আজি গোয়ালি ঘরের টোপাত
বাচ্ছা যীশুক দেখিবার পাবেন”।



11

আচম্ভিত, ঈশ্বরের গুন্-গান করিতে করিতে
স্বর্গদূত প্রকট হইলেক আর কইলেক, ...



12

... “ঈশ্বরের মহিমা হউক, আর দুনিয়াত
শান্তি আসুক, ঈশ্বরের আশা পূরন হউক”।



13

ভেড়ার রাখুলিয়ারা ওঠিকোনা তাড়াতাড়ি
খুশিতে চিকিরিবার নাগিল। বাচ্ছা ছাওয়া
যীশুক দেখিয়া উমরা প্রচার করির নাগিল
যেই করিয়া খবরিয়ালা কইচে।



14

৪০-দিন পাছত, য়োসেপ আর মরিয়ম
যীশুক নিয়া জেরুসালেমের মনদিরত
গেইছে। শিমন নামের
একটা মানষি আর একটা
বেঠিছাওয়া যীশুর জন্য
ভগবানঠে ধন্যবাদ দিছে।



15

উমরা দুইজনে মুক্তিদেওয়া ভগবানের
কতা গিলার বাদে বুঝিবার পাইছে যে
যীশু ঈশ্বরের বেটা। য়োসেপ
দুইটা পখী ছাড়ি দিছে।
ঐটা হলেক গরিবখান
দান যেলা উমেরা
ঈশ্বরের-ঠে
নতুন
বেটা-বেঠি
ছাওয়া
পাইয়া
তার
কাছে
আনিলা।



16


কিছু সময় পরে
পূর্বের দেশ থাকি কিছু
পন্ডিত মানষি একটা
বন্ধু তারা দেখিয়া
জেরুসালেমোত
আসির নাগিলা।



17

যীহুদীর রাজা কঠে?
হামরা উয়াক ভক্তি
দিবার চাছি।

ঐ পন্ডিত মানষিলার কতা
রাজা হেরোদ শুনিচে। হেরোদ
রাজা পন্ডিত মানষিলাই
কইলেক যে উমুরা যীশুক
যেলা দেখিবে সেলা যেন
ফিরিয়া উয়াক জানাই,
আর উয়াই পন্ডিত মানষিলাই
কইলেক যে, “মুইয়ো উয়াক
ভক্তি দিবার চাও”।



18

কিন্তু উয়ার মিছা
কতা কইছে। আসলে
হেরোদ রাজা যীশুক
মারিবার চাইছে।




19

য়োসেপ আর মরিয়মের সাথোত যীশু
যেটেকোনা ছিলেক ঐ বন্ধু তারাটা
পন্ডিত মানষিলাক ওঠেকোনা নিয়া
যাবার বাদে সহয়তা করিলেক।
পন্ডিত মানষিলা হাটুয়া ফেলেয়া
ভক্তি দিয়া যীশুক
সোনা আর ভাল
গন্ধের জিনিস
পাতি দিছে।



20

ঈশ্বর পন্ডিত
মানষিলাক কইছে যে
উমরা যেন চুপ্-চাপ
কড়ী ফিরিয়া জাই।



21

হেরোদ খুব রাগ করিচে। রাজা
বদ্দ গোসা হয় যিশুক
মারিবার বাদে বেতলেহেমোত
তামান বেটা ছাওয়ালাক
মারিলেক।



22



কিবুক হেরোদ রাজা ঈশ্বরের
বেটার কোনো ক্ষতি করির
পায় নাই। স্বপনোতে ঈশ্বর
যোসেপ'ক সাবধান করিলেক
তাই উয়াই মরিয়ম ও বেটা
যীশুক নিয়া এজিপ্ট
জাগাত ভাল করি
নিয়া গেছে।

23

যেলা হেরোদ মরিলেক
সেলা যোসেপ তার
পরিবারক নিয়া ইজিপ্ট
থেকে ফিরিলেক।



24

উমরা গালীল শাগরের
গোরোত নাজারত নামক
ছোট্ট শহরে থাকিবার নাগিল।

যীশুর জন্ম

ভগবানোর গল্পগিলা হামরা বাইবেলোত দিখিবার পাই

মথি ১-২, লুক ১-২

“ভগবানোর কতা জ্যোতী আনে।”
গীতসংহিতা ১১৯:১৩০

ভগবান জানে যে হামরা সব সময় খারাপ কাজ
করি আর উয়ায় ইয়াক পাপ কইচে। পাপের বেতন মরন।

কিবুক উয়ায় হামারলাই এমন ভালবাসিলেক যে উয়ার একমাত্র
বেটাক- (যীশুক) এই দুনিয়াত পার্ঠেয়া দিচে যেন উয়ায় হামার আর
তোর পাপের যাদে ফুশত শাস্তি পাই আর মরে। কিবুক যীশু আবার
জিবিত হইলেক আর স্বর্গত, তার আসল বাড়িত চলি গেইলেক! এলা
ভগবান হামার পাপ ক্ষমা করির পাই।

যদি তুই নিজের পাপের ঘটা থাকি
ফিরিবার চাইস তাহলে ঈশ্বরক তুই কবার পারিস।

প্রিয় ভগবান, মুই বিশ্বাস কর যে যীশু মোর পাপের যাদে মরিচে আর
আবার ফিরিয়া আসিচে। দয়া করিয়া মোর জিবনোত আসিয়া মোর পাপ
ক্ষমা করে দিস যাতে মুই নতুন জিবন পাই, আর এক দিন তোরে
জাবার পারি চিরকালের দিনোত। মক সাহাজ্য কর যাদে মুই তোরে বাধ্য
হয় আর তোরে বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও!